



- SENAT -

Broj: 01-1-1/23

Sarajevo, 18. 01. 2023. godine

Z A P I S N I K
SA 33. VANREDNE SJEDNICE SENATA
UNIVERZITETA U SARAJEVU ODRŽANE 18. 01. 2023. GODINE

Prisutn/e članovi/ice Senata: Prof. dr. Rifat Škrijelj, rektor, prof. dr. Tarik Zaimović, prof. dr. Dženana Husremović, prof. dr. Enita Nakaš, prof. dr. Dušanka Bošković, prof. dr. Mirza Dautbašić, prof. dr. Tamara Karča Beljak, prorektor/ice, prof. mr. Faruk Lončarević, prof. dr. Erdin Salihović, prof. dr. Jasmina Selimović, prof. dr. Jasmin Velagić, prof. dr. Jasmin Ahić, prof. dr. Sead Turčalo, prof. dr. Haris Alić, prof. dr. Ahmed Ahmić (po ovlaštenju), prof. dr. Arzija Pašalić, prof. dr. Fahir Bečić, prof. dr. Kenan Šljivo, prof. dr. Mirza Pozder (po ovlaštenju), doc. dr. Oliver Jurišić (po ovlaštenju), prof. dr. Amina Valjevac, prof. mr. Ališer Sijarić, prof. dr. Daniel Maleč, prof. dr. Vedad Falan (po ovlaštenju), prof. dr. Zinka Grbo, prof. dr. Nusret Drešković, prof. dr. Muhamed Ajanović, prof. dr. Ahmet Lojo, prof. dr. Muhamed Smajlović, prof. dr. Naris Pojskić, dr. sc. Aladin Husić, prof. dr. Rasim Muratović, dr. sc. Sedad Bešlija, dr. sc. Erma Ramić-Kunić (po ovlaštenju), prof. dr. Enra Mehmedika-Suljić (po ovlaštenju), dr. sc. Biljana Zarić (po ovlaštenju), prof. dr. Emir Tahirović, te predstavnici/e Udruženja Studentski parlament Univerziteta u Sarajevu: Faruk Dević, predsjednik, Emin Zaimović, Imran Pašalić (po ovlaštenju), Lamija Goro (po ovlaštenju) i Husani Delalović (po ovlaštenju).

Ostali/e prisutni/e: Kenan Filipović, generalni sekretar i Berina Smajlović-Doljančić, šefica Službe za pravne poslove.

Odsutni/e članovi/ice Senata: prof. dr. Dubravka Pozderac-Lejlić, prof. dr. Ahmet Alibašić, prof. dr. Izet Bijelonja, Merjema Srna, studentica-prorektorica, Naida Bašić, studentica, te predstavnik studenata ispred Vijeća Grupacije umjetnosti.

Sjednica je počela u 13:00 sati.

Utvrđeno je da od ukupno 48 članova/ica Senata sjednici prisustvuje 42 člana/ice Senata, od toga 10 članova/ica sa ovlaštenjem koje se nalazi u dokumentaciji Senata.

Sjednicom je predsjedavao prof. dr. Rifat Škrijelj, rektor Univerziteta u Sarajevu.

Shodno velikom interesovanju predstavnika medija za održavanje današnje vanredne sjednice Senata, prof. dr. Rifat Škrijelj predložio je članovima i članicama Senata da prije početka sjednice predstavnici medija uđu u Svečanu salu i naprave kratke snimke.

Uz dva (2) glasa „Protiv“ prihvaćeno je da prije početka sjednice predstavnici medija uđu u Svečanu salu i naprave kratke snimke.

Nakon što su predstavnici medija napustili Svečanu salu, prof. dr. Rifat Škrijelj pozvao je članove i članice Senata da se izjasne o predloženom Dnevnom redu.

Jednoglasno je usvojen slijedeći

DNEVNI RED:

1. Izvještaj *ad hoc* Komisije o izvršavanju dodatnih provjera vjerodostojnosti isprava vezanih za postdiplomski studij na Medicinskom fakultetu broj: 01-3-7898/22 od 24. 11. 2022. godine (realizacija Zaključka Senata Univerziteta u Sarajevu broj: 01-17-2/22 od 10. 11. 2022. godine)

TOK SJEDNICE:

Ad-1.

Nakon kraćeg uvodnog obraćanja prof. dr. Rifata Škrijelja i gđe. Berine Smajlović-Doljančić u vezi sa predmetnom današnje sjednice Senata, kao i materijalima koji su članicama i članovima Senata dostavljeni u sklopu prijedloga Dnevnog reda, otvorena je diskusija.

Prof. dr. Amina Valjevac je istakla da je Univerzitet u Sarajevu – Medicinski fakultet, postupajući po Zaključku Senata, formirao *ad hoc* komisiju koja je u svom radu koristila dokumentaciju kojom raspolaže Medicinski fakultet.

Prof. Valjevac je naglasila da je u sklopu dostavljene dokumentacije Univerzitetu priložen i Pravilnik o postdiplomskom studiju Medicinskog fakulteta koji je bio na snazi prilikom upisa prof. dr. Sebije Izetbegović na postdiplomski studij na Medicinskom fakultetu Univerziteta u Sarajevu.

Također je istakla da *ad hoc* Komisija nije imala ingerencije da uzima izjave od uposlenika Medicinskog fakulteta, posebno uzimajući u obzir da su lica iz perioda na koji se provjera dokumentacije odnosi ili u mirovini ili više nisu uposlenici Fakulteta.

Prof. Valjevac je posebno naglasila da je kroz vršenje provjere ustanovljeno da su matične knjige postdiplomskog studija kao i personalni dosjei vođeni neuredno o čemu je obavijestila i Tužilaštvo Kantona Sarajevo.

Autorizirana diskusiju prof. dr. Muhameda Ajanovića broj: 01-3-4-10/23 od 18. 01. 2023. godine čini sastavni dio ovog Zapisnika

Prof. dr. Enra Suljić-Mehmedika je istakla ozbiljnost činjenice da je vođenje matičnih knjiga kao i čuvanje dosjea i ostale relevantne dokumentacije vezane za sticanje zvanja i akademsko napredovanje uposlenika Medicinskog fakulteta bilo neažurno, te podcrtala da je vođenje matičnih knjiga kao i čuvanje dosjea u nadležnosti Fakulteta i Univerziteta, a ne pojedinca. Također je naglasila da je shodno izjašnjenjima uposlenika Medicinskog fakulteta koji su dostavljeni uz Izvještaj *ad hoc* komisije, evidentno da su personalni dosjei izuzimani u više navrata od strane ranijih dekana, kao i drugih lica, te da prof. dr. Sebija Izetbegović nije bila ni na koji način obavještena od strane ranijih dekana o nedostacima u personalnom ili studentskom dosjeu.

Prof. dr. Arzija Pašalić je istakla da su svi kandidati koji učestvuju na konkursu za akademsko napredovanje dužni u sklopu konkursne dokumentacije dostaviti i diplomu kojom dokazuju stepen obrazovanja, te da uvjerenje nije dostatan dokument kojim se isto dokazuje. Prof.

Pašalić je istakla da uvidom u dokumentaciju koja je dostavljena članicama i članovima Senata za ovu sjednicu postoji nedosljedno navođenje naziva postdiplomskog studija koji je prof. Izetbegović pohađala. Također je istakla da se Senat treba odrediti u kojem će pravcu ići i koje su mu ingerencije za djelovanje u ovom predmetu.

Prof. dr. Jasmin Velagić je istakao da Senat nije istražni organ, te da nema nikakve nadležnosti za postupanje u konkretnoj situaciji. Također je istakao da Kantonalna uprava za inspekcijske poslove po okončanju vršenja inspekcijskog nadzora na Medicinskom fakultetu nije izdala nikakvo rješenje.

Po okončanju diskusije, prof. dr. Rifat Škrijelj je naglasio da je zbog zaštite integriteta Univerziteta u Sarajevu dužnost ovog tijela da ispita sve navode kao i da provjeri svu prikupljenu dokumentaciju u predmetu provjere vjerodostojnosti isprava vezanih za postdiplomski studij na Univerzitetu u Sarajevu - Medicinskom fakultetu prof. dr. Sebiye Izetbegović, te istakao da je u prezentiranoj Informaciji broj: 0105-13995/22 od 21. 12. 2022. godine o stepenu realizacije Zaključka Senata Univerziteta u Sarajevu od 10. 11. 2022. godine, koju su članice i članovi dobili uz materijal za ovu sjednicu izneseno činjenično stanje sa kojim Univerzitet do ovog trenutka raspolaže.

U kontekstu naprijed navedenog, na prijedlog prof. dr. Rifata Škrijelja, uz dva (2) glasa „Protiv“ i šest (6) „Suzdržanih“ glasova, Senat je donio slijedeći

ZAKLJUČAK

1. Konstatira se da *ad hoc* Komisija Univerzitet u Sarajevu – Medicinskog fakulteta nije u cijelosti ispunila obaveze utvrđene Zaključkom Senata Univerziteta u Sarajevu broj: 01-17-22/22 od 10. 11. 2022. godine, te da nije dostavila Univerzitetu u Sarajevu slijedeća dokumenta:
 - uvjerenje o položenim ispitima prof. dr. Sebiye Izetbegović o započetim godinama ili semestrima na postdiplomskom studiju Medicinskog fakulteta Sveučilišta u Zagrebu u svrhu daljeg školovanja na postdiplomskom studiju Medicinskog fakulteta Univerziteta u Sarajevu,
 - valjanu ispravu vezanu za postupak ekvivalencije položenih ispita na postdiplomskom studiju Medicinskog fakulteta Sveučilišta u Zagrebu, odnosno dostavljena su dva lista tzv. reciklažnog papira na kojima je u rukopisu napisano/nabrojano (na engleskom jeziku) 10 (deset) ispita sa ocjenama prema kopiji indeksa i 9 (devet) naziva predmeta na maternjem jeziku bez ocjena. Navedena dva lista papira nemaju memoranduma institucije koja je sačinila prethodno opisani sadržaj, nema evidentiranog datuma sačinjavanja, nema pečata, nema potpisa lica koje je sačinilo sadržaj na pomenutim papirima,
 - uvjerenje o položenim ispitima (javna isprava – indeks) prof. dr. Sebiye Izetbegović na postdiplomskom studiju Medicinskog fakulteta Univerziteta u Sarajevu,
 - Pravilnik o postdiplomskom studiju Medicinskog fakulteta u Sarajevu, koji je bio na snazi prilikom upisa imenovane na postdiplomski studij na Medicinskom fakultetu Univerziteta u Sarajevu,
 - pisano izjašnjenje dr. Sebiye Izetbegović, redovne profesorice na Medicinskom fakultetu Univerziteta u Sarajevu, pri čemu iz Izvještaja *ad hoc* komisije ne proizlazi da je ista zatražila izjašnjenje od imenovane.

2. Cijeneći značaj i društvenu ulogu Univerziteta u Sarajevu, a s ciljem zaštite integriteta Univerziteta i imaoća diploma Univerziteta koji imaju izbor u naučno-nastavna zvanja na Univerzitetu u Sarajevu, zadužuje se dr. Sebija Izetbegović, redovna profesorica Univerziteta u Sarajevu - Medicinskog fakulteta da u roku od 30 dana Senatu Univerziteta u Sarajevu dostavi:
 - a. pisano izjašnjenje na okolnosti provjera vjerodostojnosti isprava vezanih za postdiplomski studij na Univerzitetu u Sarajevu - Medicinskom fakultetu,
 - b. diplomu o završenom postdiplomskom studiju na Univerzitetu u Sarajevu - Medicinskom fakultetu,
 - c. uvjerenje o položenim ispitima na postdiplomskom studiju Univerziteta u Sarajevu - Medicinskog fakulteta
 - d. uvjerenje o položenim ispitima o započetim godinama ili semestrima na postdiplomskom studiju Medicinskog fakulteta Sveučilišta u Zagrebu u svrhu daljeg školovanja na postdiplomskom studiju Univerziteta u Sarajevu - Medicinskog fakulteta i
 - e. odluku nadležnog tijela Univerziteta u Sarajevu – Medicinskog fakulteta o provedenom postupku ekvivalencije položenih ispita na postdiplomskom studiju Medicinskog fakulteta Sveučilišta u Zagrebu.
3. Po okončanju radnji iz tačke 2. ovog zaključka Senat Univerziteta u Sarajevu će imenovati Komisiju koja će na temelju prikupljene dokumentacije predložiti rektoru i Senatu Univerziteta u Sarajevu dalje postupanje u ovom predmetu.
4. Informaciju o postupanju Univerziteta u Sarajevu u ovom predmetu Univerzitet u Sarajevu će dostaviti osnivaču putem Ministarstva za nauku, visoko obrazovanje i mlade Kantona Sarajevo.

Sjednica je završena u 14:26 sati.

R E K T O R

Prof. dr. Rifat Škrijelj, s.r.


Zapisničarka:

Alma Voloder-Madacki, dipl.iur. s. r.

Prilozi:

- Autorizirana diskusija prof. dr. Muhameda Ajanovića broj: 01-3-4-10/23 od 18. 01. 2023. godine čini sastavni dio ovog zapisnika.

UNIVERZITET U SARAJEVU –
STOMATOLOŠKI FAKULTET
SA STOMATOLOŠKIM
KLINIČKIM CENTROM




UNIVERSITY OF SARAJEVO –
FACULTY OF DENTISTRY
WITH DENTAL CLINICAL
CENTER

Tel: + 387 33 214 249
Fax: + 387 33 443 395
e-mail: dentalschool@sf.unsa.ba
Adresa: Bolnička 4a, Sarajevo
Bosna i Hercegovina

Phone: +387 33 214 249
Fax: + 387 33 443 395
e-mail: dentalschool@sf.unsa.ba
Address: Bolnička 4a, Sarajevo
Bosnia & Herzegovina

Broj: 01-3-4-10/23
Sarajevo, 18.01.2023. godine

Univerzitet u Sarajevu
Obala Kulina bana br. 7/II
71 000 Sarajevo



n/r Senat Univerziteta u Sarajevu
Belma Hajradinović, stručni saradnik za pravne poslove

Predmet: Izjašnjenje u vezi sa 33. vanrednom sjednicom Senata Univerziteta u Sarajevu, dostavlja se-


Poštovani,

U vezi sa 33. vanrednom sjednicom Senata Univerziteta u Sarajevu održanom dana 18.01.2023. godine, dostavljam svoj iskaz u svojstvu člana Senata, a kako slijedi:

1. Ad hoc Komisija imenovana od strane Medicinskog fakulteta Univerziteta u Sarajevu se u svom izvještaju od 24.11.2022. godine poziva samo na Zapisnik Kantonalne uprave za inspeksijske poslove iz 2021. godine, a ne i na Zapisnik Kantonalne uprave za inspeksijske poslove od 28.11.2022. godine, koji je uredno i bez primjedbi potpisan od strane članova ad hoc komisije i dekana Medicinskog fakulteta čime je izvještaj stekao svojstvo javne isprave. U pomenutom Zapisniku od 28.11.2022. godine nesporno je utvrđeno da prof. Sebija Izetbegović nije upisana u matičnu knjigu upisanih studenata na postdiplomskom studiju, te da postupak ekvivalencije nije proveden u skladu sa tada važećim Statutom Medicinskog fakulteta, jer ne postoji nikakav dokument kojim se to dokazuje osim dva obična lista papira za koje ista ta komisija sada u svom izvještaju navodi da su valjan dokaz ekvivalencije. Postavlja se pitanje kako je moguće da su članovi komisije i dekan Medicinskog fakulteta potpisali Zapisnik i potvrdili navode inspektora, a u izvještaju se konstatuje drugačije. Također se postavlja pitanje da li je imenovana Komisija bila pristrasna ili pod utjecajem?
2. Postupajući inspektori na osnovu Zapisnika nisu poduzeli mjere, jer novi Zakon o visokom obrazovanju daje nadležnosti rektoru da može poništiti diplome, a što se tiče inspeksijskog Zapisnika iz 2021. godine i načina na koji su postupali tadašnji inspektori je pitanje za istražne organe.

3. Nije sporno da matične knjige nisu vođene uredno, međutim prof. Sebija Izetbegović nije uopće upisana u matičnu knjigu upisanih studenata na postdiplomskom studiju. Dakle nije riječ o tome da je ista upisana, pa da nedostaju određeni podaci (npr. nisu upisani položeni ispiti kao što je slučaj sa nekim od studenata), već imenovana nije nikako upisana i to je nesporna činjenica.
4. Dalje, u dokumentaciji nema zahtjeva imenovane kojim se traži nastavak studija na Medicinskom fakultetu u Sarajevu, nema dokaza da je proveden postupak ekvivalencije, te nema originalnog indexa. I od strane tadašnjeg rukovodstva Medicinskog fakulteta, a i sadašnjeg nema dokaza da je nadležnim organima prijavljeno eventualno otuđenje dokumentacije za prof. Sebiju Izetbegović.
5. U odnosu na informaciju o stepenu realizacije Zaključka Senata Univerziteta u Sarajevu dostavljenog od strane Generalnog sekretara Kenana Filipovića rektoru Univerziteta u Sarajevu, slažem se da je potrebno tražiti pisano izjašnjenje imenovane zbog eventualnog upravnog spora, u kojem slučaju Sud cijeni načelo saslušanja stranke. Međutim, ne slažem se sa prijedlogom o saslušanju šefa studentske službe i sekretara Medicinskog fakulteta. Insistiranje na Pravilniku o postdiplomskom studiju Medicinskog fakulteta koji je bio na snazi prilikom upisa imenovane predstavlja suvišan korak, obzirom da je tada važeći Statut uredio tu problematiku detaljno.
6. U vezi sa Pravilnikom iz prethodne tačke, smatram da isti nije od posebne važnosti, jer je ovdje ključno pitanje ekvivalencije bilo regulirano Statutom Medicinskog fakulteta koji je jasno propisivao na koji način se provodi postupak.
7. U konačnici najbitnije je da Stomatološki fakultet iz Zagreba nije potvrdio da su položeni ispiti pa samim tim i pozivanje Komisije na uvjerenja iz 1996. godine da je prof. Sebija Izetbegović položila sve ispite i da se uvjerenje izdaje u svrhu prijave na Konkurs je bespredmetno.

S poštovanjem,



Dostaviti:
-naslov
-a/a

**- SENAT -**

Broj: 01-5-118/23

Sarajevo, 22. 02. 2023. godine

Na osnovu člana 61. Zakona o visokom obrazovanju („Službene novine Kantona Sarajevo“, 36/22) i člana 59. Statuta Univerziteta u Sarajevu, Senat Univerziteta u Sarajevu je na 55. redovnoj sjednici održanoj 22. 02. 2023. godine, *d o n i o s l i j e d e ć i*

ZAKLJUČAK

1. Odobrava se da autorizirana diskusija prof. dr. Enre Suljić-Mehmedika bude sastavni dio Zapisnika sa 33. vanredne sjednice Senata Univerziteta u Sarajevu od 18. 01. 2023. godine.
2. Potrebno je da prof. dr. Enra Suljić-Mehmedika dostavi Univerzitetu u Sarajevu autoriziranu diskusiju koja će biti sastavni dio Zapisnika sa 33. vanredne sjednice Senata Univerziteta u Sarajevu od 18. 01. 2023. godine.

REKTOR
Prof. dr. Rifat Škrijelj

Dostavljeno:

- Prof dr. Enra Suljić-Mehmedika, putem Medicinskog fakulteta
- ☉ U dokumentaciju Senata
- Arhivi

prof. dr Enra Mehmedika- Suljić

Klinički centar Univerziteta u Sarajevu

Predmet: dopuna Zapisnika sa ^{33.}34. vanredne sjednice Senata Univerziteta u Sarajevu održane 06. 03. 18-01-
2023. godine

U dijelu zapisnika koji se odnosi na moje obraćanje, molim da se doda da sam istakla da je Senat prethodno glasao za sastav Komisije za analizu, koja je brojala ukupno 9 članova sa pet praznih mjesta za predstavnike svih Grupacija, osim Medicinske grupacije i tražila da se Generalni sekretar očituje o validnosti iste.

Također nedostaje moje obraćanje, nakon Izvještaja Prof. dr Muhamed Ajanović, kada sam obrazložila da u dosijeu prof.dr Izetbegović postoji originalno Uvjerenje dekana Medicinskog fakulteta br 29/96 od 05.06.1996. godine, potpisano od strane ovlaštenog lica u kojem stoji da je „kandidatkinja položila sve ispite i ispunila sve ostale obaveze na postdiplomskom studiju“, koje predstavlja zvaničan dokument Medicinskog fakulteta.

Osvrnula sam se i na navod da je Senad Sarić upisan u matičnu knjigu pod rednim brojem 836 sa datumom upisa 04.02.1992. godine. Pomenuti broj 836/90 je broj indexa prof.dr Izetbegović, a matični broj pomenutog dr Sarić je u svim dokumentima i indexu 847/91.

S poštovanjem,

prof dr Enra Mehmedika- Suljić

